

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
ZAVOD ZDRAVSTVENOG OSIGURANJA  
TUZLANSKOG KANTONA  
TUZLA**

  
**OTPREMLJEN**  
17. 05. 2018

Broj: 04-1468-12-15-12/17  
Tuzla, 17.05.2018. godine

Na osnovu člana 69. stav (1) pod b) i stav (2) pod d), člana 70. stav (1), (2), (4) i (6) Zakona o javnim nabavkama ("Službeni glasnik BiH", broj: 39/14), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i preporuke Komisije za javne nabavke date u Zapisniku o pregledu i ocjeni ponuda broj: 04-1468-12-15-11/17 od 15.05.2018. godine, donosim

**ODLUKU**

**o poništenju postupka nabavke**

I

Poništava se postupak javne nabavke za "usluge certifikacije po ISO standardima", u skladu sa članom 69. stav (2) pod d) Zakona o javnim nabavkama BiH, odnosno iz razloga što nijedna od primljenih ponuda nije prihvatljiva.

II

Odluka stupa na snagu danom donošenja.

**Obrazloženje**

Na osnovu Obavještenja o nabavci, objavljenog putem sistema Agencije za javne nabavke "e-nabavke", broj obavještenja: 793-7-2-81-3-50/17, objavljeno 04.12.2017. godine, Ispravke obavještenja o nabavci: 793-7-2-81-8-31/18, objavljeno dana: 21.02.2018 godine, potom i Ispravke Obavještenja o nabavci, broj: 793-7-2-81-8-39/18 od 18.04.2018. godine, a u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "e-nabavke" ("Službeni glasnik BiH", broj: 90/14 i 53/15), pokrenut je postupak javne nabavke, putem Konkurentskog zahtjeva za dostavu ponuda, za izbor najpovoljnije ponude za "usluge certifikacije po ISO standardima".

Rok za dostavljanje ponuda isticao je dana **27.04.2017. godine u 11:00 sati**.

Procjenjena vrijednost predmetne nabavke, od strane Ugovornog organa, je **21.367,52 KM bez PDV-a**.

Kriterij za dodjelu ugovora je **najniža cijena** ponude, u skladu sa članom 64. stav 1. tačka b) Zakona o javnim nabavkama („Službeni glasnik BiH”, broj: 39/14).

Odlukom broj: 04-1468-12-15-1/17 od 28.11.2017. godine, Ugovorni organ je pokrenuo postupak javne nabavke predmetne nabavke, za izbor najpovoljnije ponude, putem konkurentskog zahtjeva za dostavu ponuda.

Dana 14.12.2017. godine, ponuđač „TUVADRIA“ d.o.o. Sarajevo, kojeg zastupa advokat Damir Katica, podnio je žalbu na Tendersku dokumentaciju, broj: 04-1468-12-15-2/17 od 04.12.2017. godine.

Ugovorni organ je Uredu za razmatranje žalbi BiH, dana 19.12.2017. godine, uputio Izjašnjenje na žalbu, broj: 04-1468-12-15-4/17, sa svom dokumentacijom koja je bila u vezi sa predmetom nabavke.

Dana 12.02.2018. godine, od strane Ureda za razmatranje žalbi BiH, dostavljeno je Rješenje, broj: JN2-03-07-1-1373-9/17, kojim se žalba, dostavljena u ovom predmetnom postupku, **ODBIJA** kao neosnovana.

Na osnovu Rješenja Ureda za razmatranje žalbi – Filijala/Podružnica Mostar, broj: JN2-03-07-1-1373-9/17 od 08.02.2018. godine, Ugovorni organ je, u svrhu nastavka provođenja predmetne javne nabavke, donio Odluku o izmjeni tenderske dokumentacije, broj: 04-1468-12-15-6/17, kojom se mijenja tačka 18. tenderske dokumentacije.

Odluka o izmjeni tenderske dokumentacije, broj: 04-1468-12-15-6/17, sadrži sljedeće:

1. U Tenderskoj dokumentaciji, broj: 04-1468-12-15-2/17, za nabavku usluga certifikacije po ISO standardima, tačka 18. mijenja se i glasi:
  - Rok za dostavljanje ponuda ističe dana 07.03.2018. godine u 11:00 sati. Javno otvaranje ponuda biće održano dana 07.03.2018. godine, u 11:30 sati, u prostorijama Zavoda zdravstvenog osiguranja Tuzlanskog kantona. Ostale tačke Tenderske dokumentacije ostaju nepromjenjene.
  - Sva dokumentacija, tražena tačkom 7. tenderske dokumentacije, će se prihvatati, kao valjana, ako ista nosi datum nakon 04.12.2017. godine, izuzev dokaza traženih tačkom 7.8. stavka 2. Tenderske dokumentacije, odnosno datum izdavanja originala dokumenta ne smije biti stariji od 10 dana, od dana predaje ponude.
  - Odluka stupa na snagu danom donošenja, a ista je sastavni dio Tenderske dokumentacije, broj: 04-1468-12-15-2/17, za nabavku usluga certifikacije po ISO standardima.

Dana 18.12.2017. godine, putem e-maila, ponuđač "TÜV Croatia" d.o.o. Zagreb uložio je Prigovor na tendersku dokumentaciju. Dana 20.12.2017. godine, navedeni prigovor, dostavljen je i putem pošte.

Uvidom u Izveštaj o preuzimanju tenderske dokumentacije od strane ponuđača, od 22.12.2017. godine, koji kreira portal [www.ejn.gov.ba](http://www.ejn.gov.ba), utvrđeno je da je ponuđač "TÜV Croatia" d.o.o. Zagreb preuzeo tendersku dokumentaciju sa portala javnih nabavki, dana 05.12.2017. godine, u 12 sati i 32 minute.

Članom 101. stav (1) tačka b) Zakona o javnim nabavkama, propisano je da se žalba može izjaviti najkasnije deset (10) dana od dana preuzimanja tenderske dokumentacije.

S obzirom da je ponuđač "TÜV Croatia" d.o.o. Zagreb, tendersku dokumentaciju preuzeo 05.12.2017. godine, krajnji rok za izjavljivanje žalbe/prigovora bio je 15.12.2017. godine.

U skladu sa tim, Ugovorni organ je, dana 22.12.2017. godine, donio Zaključak (član 100. stav 2. Zakona o javnim nabavkama), kojom se žalba ponuđača "TÜV Croatia" d.o.o. Zagreb odbacuje kao neblagovremena.

Dana 23.02.2018. godine, putem e-maila, Ugovornom organu je dostavljen Prigovor na tendersku dokumentaciju, u tri (3) primjerka, od strane TÜV Croatia d.o.o. Predstavništvo u

BiH, Sarajevo, a ista je, putem pošte kod Ugovornog organa, zaprimljena 26.02.2018. godine.

Ugovorni organ je Uredu za razmatranje žalbi BiH, dana 28.02.2018. godine, uputio Izjašnjenje na žalbu, sa svom dokumentacijom koja je bila u vezi sa predmetom nabavke.

Dana 09.04.2018. godine, od strane Ureda za razmatranje žalbi BiH, dostavljeno je Rješenje, broj: JN2-03-07-1-297-9/18, kojim se žalba izjavljena od strane TUV Croatia d.o.o. Predstaništvo u BiH, Sarajevo, dostavljena u ovom predmetnom postupku **ODBIJA** kao neosnovana.

Na osnovu Rješenja Ureda za razmatranje žalbi – Filijala/Podružnica Mostar, broj: JN2-03-07-1-297-9/18 od 09.04.2018. godine, Ugovorni organ je, u svrhu nastavka provođenja predmetne javne nabavke, donio Odluku o izmjeni tenderske dokumentacije, broj: 04-1468-12-15-9/17 od 17.04.2018. godine.

Odluka o izmjeni tenderske dokumentacije broj: 04-1468-12-15-9/17 od 17.04.2018. godine, sadrži sljedeće:

U Tenderskoj dokumentaciji, broj: 04-1468-12-15-2/17, za nabavku usluga certifikacije po ISO standardima, tačka 18. mijenja se i glasi:

- Rok za dostavljanje ponuda ističe dana 27.04.2018. godine u 11:00 sati. Javno otvaranje ponude biće održano dana 27.04.2018. godine u 11:30 sati u prostorijama Zavoda zdravstvenog osiguranja Tuzlanskog kantona. Ostale tačke Tenderske dokumentacije ostaju nepromjenjene.
- Sva dokumentacija tražena tačkom 7. tenderske dokumentacije, će se prihvatati, kao valjana, ako ista nosi datum nakon 04.12.2017. godine, izuzev dokaza tražen tačkom 7.8. stavka 2. Tenderske dokumentacije, odnosno datum izdavanja originala dokumenta ne smije biti stariji od deset (10) dana od dana predaje ponude.
- Odluka stupa na snagu danom donošenja, a ista je sastavni dio Tenderske dokumentacije, broj: 04-1468-12-15-2/17, za nabavku usluga certifikacije po ISO standardima.

Javno otvaranje ponuda održano je 27.04.2018. godine u 11 sati i 30 minuta.

Na osnovu Izvještaja o preuzimanju tenderske dokumentacije od strane ponuđača, utvrđeno je da su ponuđači, koji su dostavili svoju ponudu za predmetnu nabavku, tendersku dokumentaciju preuzeli sa portala javnih nabavki (E-nabavke).

Na osnovu dostavljenih ponuda za predmet nabavke, dana 27.04.2018. godine sačinjen je Zapisnik o otvaranju ponuda broj: 04-1468-12-15-10/17.

Ponude za predmet nabavke su dostavili "Optimus-CERT" d.o.o. Tuzla i INSTITUT ZA CERTIFICIRANJE SISTEMA d.o.o. Sarajevo.

Nakon pregleda ponuda svih ponuđača i na osnovu Analitičkog prikaza traženih i dostavljenih dokumenata na osnovu kojih se utvrđuje postoje li razlozi isključenja ponuđača, utvrđeno je da ponude dostavljene u ovom predmetnom postupku ne ispunjavaju uslove za dalje učestvovanje u predmetnom postupku.

Dana 15.05.2018. godine sačinjen je Zapisnik o pregledu i ocjeni ponuda broj: 04-1468-12-15-11/17, koji sadrži sva obrazloženja i elemente vezano za pregled i ocjenu ponuda, dostavljenih za ovaj predmetni postupak.

Shodno odredbama Zakona o javnim nabavkama, podzakonskim aktima i općim aktima Zavoda, kriterijem za vrednovanje ponuda "najniža cijena ponude", imajući u vidu činjenicu da su dostavljene dvije ponude, koje nisu formalno – pravno ispravne, primjenom člana 69. stav (2) pod d) Zakona o javnim nabavkama BiH, odlučeno je kao u članu I ove Odluke.

#### **POUKA O PRAVNOM LIJEKU:**

Ukoliko ponuđač smatra da je Ugovorni organ u toku datog postupka izvršio povrede Zakona ili podzakonskih akata ima pravo da pokrene žalbeni postupak u roku od 5 dana od dana prijema ove Odluke, u skladu sa članom 101. stav (5) Zakona o javnim nabavkama ("Službeni glasnik BiH", broj: 39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

#### **DOSTAVLJENO:**

1. Ponuđačima (s povratnicom)
2. Sektor za trezorsko poslovanje
3. a/a

**DIREKTOR**

Mirsad Hodžić, dipl. ecc

